

К ОПУБЛИКОВАНИЮ

КОМИ РЕСПУБЛИКАЛӨН

ОЛАНПАС

**«Коми Республика мутасын пöжарысь видзчысян юкöнын
өткымын юалöм йылысь» Коми Республикаса Оланпаслөн
2 статьяö вежсьöмьяс пыртöм йылысь**

Примитöма Коми Республикаса

Каналан Сöветөн

2022 вося сора тöлысь 28 лунö

1 статья. Пыртны «Коми Республика мутасын пöжарысь видзчысян юкöнын өткымын юалöм йылысь» Коми Республикаса Оланпаслөн 2 статьяö (Коми Республикаса канму власьт органьяслөн индöд-тшöктöмьяс, 2007, 1 №, 4673 ст.; 7 №, 4912 ст.; 2008, 2 №, 6 ст.; 2009, 7 №, 81 ст.; 2011, 23 №, 590 ст.; 2014, 9 №, 112 ст.; 27 №, 525 ст.; 2015, 4 №, 33 ст.; 2016, 12 №, 146 ст.; 2021, 10 №, 204 ст.) татшöм вежсьöмьяс:

1. Медводдза юкөнса 3 пункт гижны тадзи:

«3) Россия Федерацияса Оланподулөн, федеральной оланпасьясөн, Коми Республикаса Оланподулөн да Коми Республикаса оланпасьясөн урчитöм мукöд уджмог.».

2. Мöд юкöнын:

1) 2 пунктын «объектьясын, кутшöмьяс пырöны Россия Федерацияса Веськöдлан котырөн вынсьöдан объектъяс лыддьöгö, кутшöмьяс ёна тöдчанаöсь странаын войтыркостса видзчысянлун серти, пöжар лоны вермана мукöд торйөн тöдчана объектъясын, Россия Федерацияса войтырлөн торйөн дона культура озырлун объектъясын пöжарьяс кындзи» кывьяс вежны «объектьясын пöжарьяс кындзи, кутшöмьяс пырöны странаын войтыркостса видзчысянлун серти ёна тöдчана объектъяс, пöжар лоны вермана мукöд торйөн тöдчана объект, Россия Федерацияса

войтырлөн торйён дона культура озырлун объектъяс лыддьөгö, кутшöмöс вынсьöдö Россия Федерацияса Веськöдлан котыр» кивъясөн;

2) содтыны татшöм сюрöса 2⁴ да 2⁵ пунктъяс:

«2⁴) челядьöс шойчöдан да налысь дзоньвидзалун бурмöдан организацияслөн мутасъяслысь, сад вöдитан либö градыв пуктас вöдитан мутасъяслысь лыддьөг вынсьöдöм, кöни вермасны лоны вöрса пöжаръяс;

2⁵) «Пöжарысь видзчысянлун серти корöмъяс йылысь технической уджаланарт» Федеральной оланпаслөн 83 статьяса 7 юкөн серти пöжар лоöм йылысь сигнальяс пöжарной охрналөн юкöдувьясö мöдпöлалöмсö котыртан пöрадок вынсьöдöм;».

2 статья. Тайö Оланпасыс вынсялö сийöс официальной йöзöдöм бöрын дас лун кольöм мысти.

Коми Республикаса Веськöдлан котырлы примитны нормативной инöда актъяс, кутшöмъяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2022 вося моз тöлысь 5 лун

71-РЗ №